





宋文選目錄

卷二

范仲淹奏上時務書

范仲淹答趙元昊書

范仲淹近名論

范仲淹推委臣下論

范仲淹岳陽樓記

范仲淹桐廬郡嚴先生祠堂記

范仲淹唐異詩序



司馬光上謹習疏

司馬光論北邊事宜

司馬光論正家上殿劄子

司馬光乞施行制策劄子

司馬光辭賜金劄子

司馬光乞省覽農民封事劄子

司馬光論皇城巡察劄子

司馬光與王介甫書

司馬光與呂晦叔第二簡

司馬光賈生論

司馬光葬論

司馬光獨樂園記

司馬光訓儉示康

宋文歸目錄卷二終

宋文歸卷二

竟陵鍾 惺伯敬父點次

古吳顧夢麟麟士父叅閱

范仲淹奏上時務書

天聖三年四月二十日。久林郎守大理寺丞臣范仲淹。謹詣閣門再
拜。死罪。上書皇太后陛下。皇帝陛下。臣聞巧言者。無犯而易進。直言
者。有犯而難立。狀則直言之士。千古謂之忠。巧言之人。千古謂之佞。
今臣勉思藥石。切犯雷霆。不遵易進之途。而居難立之地者。欲傾臣
節。以報國恩。恥佞人之名。慕忠臣之節。感激而發。萬死無恨。况臣之

所言皆聖朝當行之事而未之行者諒有以也聖人之心豈不至此
蓋當乎一日萬幾未暇餘論大臣之心豈不至此蓋懼乎上疑下謫
未克果行臣請言之以發聖慮臣聞國之文章應於風化風化厚薄
見乎文章是故觀虞夏之書足以明帝王之道覽南朝之文足以知
衰靡之化故聖人之理天下也文弊則救之以質質弊則救之以文
質弊而不救則晦而不彰文弊而不救則華而將落前代之季不能
自救以至於大亂乃有來者起而救之故文章之薄則為君子之憂
風化其壞則為來者之資惟聖帝明王文質相救在乎已不在乎人
易曰窮則變變則通通則久亦此之謂也伏望聖慈與大臣議文章

之道。師虞夏之風。况我聖朝。千載而會。惜乎不追三代之高。而尚六朝之細。狀文章之列。何代無人。蓋時之所尚。何能獨變。大君有命。詘不風。茂可。啟諭詞臣。興復古道。更延博雅之士。布於臺閣。以救斯文之薄。而厚其風化也。天下幸甚。臣又聞聖人之有天下也。文經之。武緯之。此二道者。天下之大柄也。昔諸侯暴武之時。孔子曰。俎豆之事。則嘗聞之。此聖人救之文也。夫夾谷之會。孔子則曰。有文事者必有武備。請設左右司馬。此聖人濟之武也。文武之道。相濟而行。不可斯須而去焉。唐明皇之時。太平日久。人不知戰。國不慮危。大寇犯關。勢如瓦解。此失武之備也。經曰。禍兮福所倚。福兮禍所伏。又曰。防之於

未萌治之於未亂。聖人當福而知禍。在治而防亂。故善安身者在康寧之時。不謂終無疾病。於是有節宣方藥之備焉。善安國者當太平之時。不謂終無危亂。於是有教化經略之備焉。我國家文經武緯。天下大定。自真宗皇帝之初。猶有舊將舊兵。多經戰敵。四夷之患。足以禦防。今天下休兵餘二十載。昔之戰者。今已老矣。今之少者。未知戰事。人不知戰。國不慮危。豈聖人之意哉。而况守在四夷。不可不慮。古來和好。鮮克始終。唐陸贄議云。犬羊同類。狐鼠為心。貪而多防。狡而無耻。威之不悟。撫之不懷。雖或有時盛衰。大抵常為邊患。屬方靖中夏。未遑外虞。因其乞盟。遂許結好。加恩隆禮。有欲無違。而乃邀求浸

鍾惺曰宋
之賊已終
不出此數
語

茅坤曰古
今末世皆

多翻覆不定。託因細事。噴有煩言。猜矯多端。其斯可驗。此唐人之至
論也。今自京至邊。竝無關嶮。其或思信不守。釁端忽作。戎馬一縱。信
宿千里。若邊少名將。則懼而不守。或守而不戰。或戰而無功。再扣澶
淵。豈必尋好。未。知。果。有。兇。將。可。代。長。城。伏。望。聖。慈。鑒。明。皇。之。前。轍。登
陸贄之讜議。與大臣論武於朝。以保天下。先命大臣密舉忠義有謀
之人。授以方畧。委之邊任。次命武臣密舉壯勇出群之士。試以武事。
遷其等差。壯士蒙知。必懷報效。列於邊塞。足徇非常。其或自謂無虞。
不欲生事。輕長世之策。苟一時之安。邊患忽來。人情大駭。自古兵不
得帥魚肉無殊。乃於倉卒戰鬪之間。拔卒為將。豺狼競進。真偽交馳。

此五代之前鑒也。至於塵埃之間。豈無壯士。宜復唐之武舉。則英雄之輩。願在彀中。此聖人居安慮危之備。倘而無用國家之福也。惟聖意詳之。臣又聞先王建官。共理天下。必以賢俊授任。不以爵祿為恩。故百僚師師。各揚其職。上不輕授。下無冒進。此設官之大端也。我國家累聖求理。而致太平。大約紀綱洽象。唐室以臣觀之。宜洽唐興之時。不宜洽唐衰之後。唐興之時。特開館殿。以待賢俊。得學士十八人。散滿天下。此文皇養將相之材。以論道經邦而大化也。暨之中興。往往得人。唐衰之後。此選不盛。我朝崇尚館殿。目為清華。輔相之材。多繇此選。三館清密。古謂登瀛。近歲遷出內庭。遇居坊陌。非唐所謂集

仙之館也。又其間較讐之職。或不繇科第。以恩而除。限以歲年。漸於清顯。輕十八學士之選。恐非久。皇養將相之材之意也。伏望聖慈。與大臣議其可否。重為制度。以添唐興之時。而延廊廟之器。此國家之大美也。惟聖意詳之。又諫官御史耳目之司。不諱之朝。宜有賞勸。自陛下臨政以來。未聞旌一諫員。賞一御史。若言而無補。是選之不精。言而有補。豈賞之不行。徒使犯顏者危。緘口者安。以進藥石為虛言。以陳絲髮為供職。三載之後。進退雷同。臣恐天下竊議朝廷言路未廣。忠臣未勸。狀令諫官御史之徒。尸素於朝。非國家之福也。惟聖意詳之。臣又聞先王義重君臣。賞延於世。大勛之後。立賢為嗣。餘子則

字真切

以才自調。不使混淆。而後大防一腹。頽波千或。凡居近位。歲進子孫。簪綬及門。冠蓋塞路。賢與不肖。例升京朝。謂之賞延。無乃大甚。此必前代君危。臣替之際。務相姑息。因為典故。以至於斯。又百司之人。本避鄉役。不踰數歲。例與出官。莫非貪恐之徒。絕異孝廉之舉。使親民政。其弊如何。開此二途。歲取百數。無所不有。寔累王風。恐非任官。惟賢之辭也。人避衆怨。不敢上言。遂令仕路紛紜。祿位填委。文武官吏。待闕踰年。貪者益勵。其衣牙廡者。悉困於寒餓。後於禮闈之內。增其艱難。壯士惜年。數歲一舉。乃為奔競。至有訟爭。而况修辭者。不求大才。明經者。不問大旨。師道既廢。文風益澆。詔令雖繁。何以戒勸。士無

庶幾職此之繇。其源未澄。欲波之清。臣未之信也。倘國家不思改作。因循其弊。官亂於上。風壞於下。此非國家之福也。倘為長久之策。則願與大臣特新其議。澄清此源。不以詢議為嫌。當以治亂為意。此國家之福也。惟聖意詳之。臣聞以德服人。天下欣戴。以力服人。天下怨望。堯舜以德。則人愛君如父母。秦以力。則人視君如仇讐。是故御天下者。德可憑。而力不可恃也。伏望皇太后陛下。皇帝陛下。日崇聖德。以永服天下之心。若夫敦好生之志。推不忍之心。薄於刑典。厚於惻隱。在物祝網。於民泣辜。常戒百官。勿為苛酷。示天下之慈也。唯聖人能之。耻珠玉之玩。罷組繡之貢。焚晉武之雉裘。出文皇之宮人。少度

儻尼不興土木。示天下之儉也。唯聖人能之。雞鳴而起。孜孜聽政。每有餘暇。則召大臣講議。久武訪問艱難。此皇王之勤也。惟聖人勉之。貴賤親疎。賞罰惟一。有功者雖憎必賞。有罪者雖愛必罰。捨一心之私。從萬人之望。示天下之公也。唯聖人行之。自古帝王與佞臣治天下。天下必亂。與忠臣治天下。天下必安。朕則忠臣骨鯁而易疎。佞臣柔順而易親。柔順似忠。多為美言。骨鯁似疆。多所直諫。美言者得進。則佞人滿朝。直諫者見疎。則忠臣避世。二者進退。何以辯之。但日聞美言。則知佞人未去。此國家之可憂也。日聞直諫。則知忠臣左右。此國家之可喜也。伏惟聖明。不可不察。自古王者外防夷狄。內防姦邪。

夷狄侵國。姦邪敗德。國侵則害加黎庶。德敗則禍起蕭牆。乃知姦邪之凶。甚於夷狄之患。伏惟聖明常好正直。以杜姦邪。此至理之本也。臣又聞聖人宅九重之深。鎮萬國之望。以靜制動。以重為威。如天之高。如地之深。使人不得容易而議也。昨觀鑾駕順動稍頻。恐非深居九重。靜鎮萬國之意。况進奏院報於天下。天下聞之。恐損威重。先朝以御宇日深。功成天下。巡幸之費。尚或諫止。今繼明之始。聖政方新。宜加憂勤。深防逸豫。則人心大悅。天道降康。不似先帝功成之季。未可輕為巡幸。伏惟聖慈。再三詳覽。每有順動。必循典禮。以服天下之望。臣又聞人主納遠大之謀。久而成王道。納淺末之議。久而成亂政。

孫鑛曰朝
廷不知大
体政事往
往如此

方○今○聖○人○在○上○。賢○人○在○側○。取○舍○之○際○。豈○有○未○至○。狀○而○刑○法○之○吏○。言○絲○毫○之○重○輕○。錢○穀○之○司○。舉○錙○銖○之○利○病○。則○往○往○謂○之○急○務○。響○應○而○行○。或○有○言○政○教○之○源○流○。議○風○俗○之○厚○薄○。陳○聖○賢○之○事○業○。論○文○武○之○得○失○。則○往○往○謂○之○迂○說○。廢○而○不○行○。豈○朝○廷○薄○遠○大○之○謀○。好○淺○末○之○議○哉○。伏○望○聖○慈○。納○人○之○謀○。用○人○之○議○。不○以○遠○大○為○迂○說○。不○以○淺○末○為○急○務○。則○王○道○大○成○。天○下○幸○甚○。臣○又○聞○聖○人○之○至○明○也○。臨○萬○幾○之○事○。而○不○敢○獨○斷○。聖○人○之○至○聰○也○。納○群○臣○之○言○。而○不○敢○偏○聽○。獨○斷○則○千○慮○或○失○。偏○聽○則○衆○心○必○離○。人○心○離○則○社○稷○危○而○不○扶○。聖○慮○失○則○政○教○差○而○彌○遠○。故○先○王○務○公○共○。設○百○官○。而○不○敢○獨○斷○者○。懼○一○慮○之○失○也○。開○言○路○。采○群○議○而○

不敢偏聽者。懼衆心之離也。今聖政方新。動思公共。委任兩地。出入萬幾。萬幾之繁。能無得失。乃許群臣上言。以補其闕。使上無蒙蔽。下無壅塞。有以見聖人之不獨斷也。天下幸甚。狀而臣下上言。密陳得失。未可盡以為寔。亦當深究其宜。或務窺人短長。或欲希旨上下。動搖賞罰之權。離隔君臣之情。似是而非。言偽而辯。雖聖鑒之下。能無惑焉。偶動宸衷。無益王道。似此密奏之類。更望聖慈。深加詳覽。與大臣議論可否。狀後施行。倘密奏之言。便以為寔。內降處分。一面施行。則讒譖之人。緣隙而進。以訐為直。以詐為忠。使內外相疑。政教不一。非致理之本也。古人有言曰。為君難。為臣不易者。其在此乎。伏惟聖

明不可不○答○又自古○親○近○小○臣○率○多○纖○佞○持○國○恩○寵○為○人○階○緣○公○議○
未○行○私○請○先○至○如○此○則○人○皆○繇○徑○政○有○多○門○伏○望○聖○慈○深○為○防○慮○以○
存○至○公○之○道○也○臣○曲○陋○之○人○本○無○精○識○覽○前○王○之○得○失○究○聖○朝○之○取○
舍○因○敢○罄○而○陳○之○伏○望○聖○慈○詳○擇○一○二○千○犯○天○威○臣○無○任○戰○汗○激○切○
屏○營○之○至○臣○某○昧○死○謹○言○

鍾惺曰○條陳慶既本王道又切人情無一語不提挈大綱無一語
不參入激細真儒學問於此具見

范仲淹答趙元昊書

仲淹謹修誠意奉書於夏國大王。伏以先大王歸嚮朝廷。心如金石。我真宗皇帝。命為同姓。待以骨肉之親。封為夏王。履此山河之大。旌旗車服。降天子一等恩信。隆厚始終如一。齊桓晉文之盛。無以過此。朝聘之使。往來如家。牛馬駝羊之產。金銀繒帛之貨。交受其利。不可勝紀。塞垣之下。逾三十季。有畊無戰。禾黍雲合。甲冑塵委。養生莖苑。各終天年。使蕃漢之民。為堯舜之俗。此真宗皇帝之至化。亦先大王之大功也。自先大王薨。今皇震悼。累日嘻吁。遣使行奠賻之禮。以大王嗣守其國。爵命崇重。一如先大王。昨者大王以本國衆多之情。

推立大位。誠不獲讓。理有未安。而遣行人告於天子。又遣行人歸其
旌節。朝廷中外莫不驚憤。請收行人戮於都市。皇帝詔曰。非不能以
四海之力。支其一方。念先帝歲寒之本意。故夏王忠順之大功。豈一
朝之失。而驟絕之。乃不殺而還。假有本國諸蕃之長。抗禮於大王。而
能含容之。若此乎。省初念終。天子何負於大王哉。一季以來。疆事紛
起。畊者廢耒。織者廢杼。邊界蕭然。豈獨漢民之勞耶。使戢守之人。日
夜豺虎。競為吞噬。死傷相枕。哭泣相聞。仁人為之流涕。智士為之扼
腕。天子遣仲淹經度西事。而命之曰。有行無戰。不殺非辜。王者之兵
也。汝往欽哉。仲淹拜手稽首。敢不夙夜於懷。邇邊之日。見諸將帥多

務小功。不為大畧。甚未副天子之意。仲淹與大王雖未嘗高會嚮者。同事朝廷於天子。則父母也。於大王。則兄弟也。豈有孝於父母。而欲害於兄弟哉。可不為大王一二而陳之。傳曰。名不正。則言不順。言不順。則事不成。大王世居西土。衣冠語言。皆從本國之俗。何獨名稱與中朝天子侔擬。名豈正而言豈順乎。如衆情莫奪。亦有漢唐故事。單于可汗。皆本國極尊之稱。具在方冊。仲淹料大王必以契丹為比。故自謂可行。且契丹自石晉朝有援立之功。時已稱帝。今大王世受天子建國封王之恩。如諸蕃中有叛朝廷者。大王當為霸主。率諸侯以伐之。則世世有功。王王不絕。乃欲擬契丹之稱。究其體勢。昭然不同。

從使瘡痍萬民。拒朝廷之禮。傷天地之仁。易曰。天地之大德曰生。聖人之大寶曰位。何以守位曰仁。是以天地養萬物。故其道不窮。聖人養萬民。故其位不傾。又傳曰。國家以仁獲之。以仁守之者。百世。昔在唐末。天下恟恟。群雄咆哮。日尋干戈。血我生靈。腥我天地。滅我禮樂。絕我稼穡。皇天震怒。罰其不仁。五代王侯。覆亡相續。老氏曰。樂殺人者。不可如志於天下。誠不誣矣。後唐顯宗祈於上天曰。願早生聖人。以救天下。是年。我太祖皇帝應祈而生。及歷試諸難。中外忻戴。不血一刃。受禪於周。廣南江南。荆湖西川。有九江萬里之阻。一舉而下。豈非應天順人之至乎。由是罷諸侯之兵。革五代之暴。垂八十年。天下

茅坤曰
一說破不
獨明智萬
人亦竟誠
坦不諱

無禍亂之憂。太宗皇帝聖文神武表正萬邦。吳越納疆。并晉魖縛。真
宗皇帝奉天體道清淨無為。與契丹通好。受先大王貢禮。自茲四海
熙朕同春。今皇帝坐朝至晏。廷諫如添。有忤雷霆。雖死必赦。故四海
之心望如父母。此所謂以仁獲之。以仁守之。百世之朝也。仲淹料大
王建議之初。人有離間。妄言邊城無備。士心不齊。長驅而來。所嚮必
下。今以強人猛馬奔衝漢地。二年於茲。漢之兵民蓋有血戰而死者。
無一城一將願歸大王者。此可見聖宋仁及天下。邦本不搖之驗也。
與夫間者之說。無乃異乎。今天下久平。人人泰然。不習戰鬪。不熟紀
律。劉平之徒。忠敢而進。不顧衆寡。自取其困。餘則或勝或負。殺傷俱

鍾惺曰誇
叙處妙在
不動聲言

多大王國。人必以獲。劉平為賀。昔鄭人侵蔡。獲司馬公子燮。鄭人皆
喜。惟子產曰。小國無文德。而有武功。禍莫大焉。而後鄭國之禍。皆如
子產之言。今邊上訓練漸精。恩威已立。有功必賞。敗事必誅。將帥而
下。大知紀律。莫不各思奮力效命。爭議進兵。如其不狀。何時可了。今
招討司統兵四十萬。約五路入界。著其律曰。生降者賞。殺降者斬。獲
精强者賞。害老幼婦女者斬。遇堅必戰。遇險必奪。可取則取。可城則
城。縱未能入賀蘭之居。彼之兵民降者死者。所失多矣。是大王自禍
其民。官軍之勢。不獲而已也。仲淹又竊念。皇帝有征無戰。不殺非辜。
之訓。夙夜於懷。雖師帥之行。君命有所不受。奈何鋒刃之交。相傷必

衆且蕃兵戰死者非有罪也。忠於大王耳。漢兵戰死非有罪也。忠於天子耳。使忠孝之人肝腦塗地。積累怨魄。為妖為災。大王其可忽諸。朝廷以王者無外有生之民。皆為赤子。何蕃漢之恨哉。何勝負之言哉。仲淹與招討太尉夏公經畧密學韓公嘗議其事。莫若通問於大王。計而決之。重人命也。其美利甚衆。大王如能以愛民為意。禮下朝廷。復其王爵。承先大王之志。天下孰不稱其賢哉。一也。如衆多之情。三議不獲。前所謂漢唐故事。如渾于可汗之稱。尚有可稽於本國。語言為便。復不失其尊大。二也。但臣貢上國存中外之辭。不召天下之怨。不速天下之兵。使蕃漢邊人。渡見康樂。無死傷相枕。哭泣相聞之。

醜三也。又大王之國。府用或闕。朝廷每歲必有物帛之厚賜。為大王助四也。又從來入貢使人。止稱蕃吏之職。以避中朝之尊。按漢諸侯王相。皆出真拜。又吳越王錢氏。有丞制補官故事。功高者受朝廷之命。亦足隆大王之體五也。昨有邊臣上言。乞招致蕃部首領。仲淹亦已請罷。大王告諭諸蕃首領。不須忝父母之邦。但回意中朝。則太平之樂。遠近同之六也。國家以四海之廣。豈無遺才。有在大王之國者。朝廷不戮其家。安全如故。宜善事主。以報國士之知。惟同心嚮順。自不失其富貴。而宗族之人。必更憂恤七也。又馬牛駝羊之產。金銀繒帛之貨。有無交易。各得其所八也。大王從之。則上下同其義利。生民

之患。幾乎息矣。不從則上下失其義利。生民之患。何時而息哉。仲淹
今日之言。非獨利於大王。蓋以奉君親之訓。救生民之患。合天地之
仁而已乎。惟大王擇焉。不宣。仲淹再拜。
鍾惺曰。王者之心。仁人之言。雖其中不無權術。狀究竟不失王者
之心。仁人之言。所以為貴。

宋史

卷二

集賢堂

甚焉曰用
之論

范仲淹近名論

老子曰名與身孰親○莊子曰為善無近名○此皆道家之訓○使人薄於
名而保其真○斯人之徒○非爵祿可加○賞罰可動○豈為國家之用哉○我
先王以名為教○使天下自勸○湯解網○文王塗枯骨○天下諸侯聞而歸
之○是三代人居已因名而重也○太公直釣○以邀文王○夷齊餓死於西
山○仲尼聘七十國○以求行道○是聖賢之流○無不涉乎名也○孔子作春
秋○即名教之書也○善者褒之○不善者貶之○使君臣愛令名而勸畏惡
名而慎矣○夫子曰疾沒世而名不稱○易曰善不積不足以成名○朕則
為善近名○豈無偽耶○臣請辯之○孟子曰堯舜性之也○三王身之也○五

霸假之也。後之諸侯逆天暴物殺人盜國不復愛其名者也。人臣亦
狀有性本忠孝者上也。行忠孝者次也。假忠孝而求名者又次也。至
若簡賢附勢反道敗德弑父叛君。惟欲是從不復愛其名者下也。人
不愛名則雖有刑法干戈不可止其惡也。武王克商式商容之間。繹
箕子之囚。紂比干之墓。是聖人敦獎名教以激勸天下如取道家之
言不使近名則豈復有忠臣烈士為國家之用哉。

鍾一恒曰：儒道之是非一辨了。朕有功名教之言。

范仲淹惟委臣下論

天生此人得王乃定萬機百度不可獨當內立公卿大夫其外設公
侯伯子男先擇材以處之次推公以委之朕則委以人臣之職不委
以人君之權臣請辯之夫執持典禮脩舉政教均和法令調理風俗
內養萬民外撫四夷師表百僚經緯百事此宰輔之職也練兵戎謹
城壁修方畧威夷狄此將帥之職也肅朝廷之儀矚縉紳之邪此御
史府之職也治繁劇制豪猾此京尹之職也至於金穀刑法各有攸
司之職矣撫民人宣風化均徭役平賦歛此刺史縣令之職也是皆
人臣之職不可不委之也若乃區別邪正進退左右操榮辱之柄制

英雄之命。此人主之權也。不可盡委於下矣。何以明之。論語孔子曰。天下有道。政不在大夫。晉委三卿。延陵季子曰。晉國之政歸於三家矣。後果分晉為三國。漢高祖招納羣英。有將將之權。而取天下。至於子孫。不知祖宗之謀。而獨委霍光。又獨委王鳳。至於王莽。皆有大禍。西漢遂傾。為後漢。光武親用二十八將。而取天下。後之子孫。不知祖宗之謀。而獨委后族。至於宦官。故姦雄競起。以去惡為名。東漢遂傾。為魏。委司馬。晉委劉裕。其禍亦狀。唐太宗駕馭英雄。取天下。致太平。至高宗朝。李義府以主后之功。獨見委用。陷害忠良。天下憤怨。明皇初用姚崇。宋璟為相。而天下大治。推心委之。遂成故事。及李林甫代。

茅坤曰大
識見大議
論

其任仍復委之林甫奸邪能中傷善人朝廷無敢言得失者於是明
皇不聞諫諍自謂宰相得人秦狀無為矣言路已絕故至祿山犯關
嚮關而明皇不知一旦喪亂天下瓦解唐德遂衰初以推委而天下
治終以推委而天下亂何弊之狀哉當推委之際擢十人上從其九
是九分之惡出於下矣如此則數年之間左右前後皆權臣之黨也
若黜辱十人上從其九是九分之威出於下矣如此則數年之間中
外遠近無敢忤權臣者故下之情不達而上之勢孤矣此明皇之失
為後代之鑒王者將收其權必先采人采人為難豈無其要孔子之
辨門人標以四科一曰德行二曰政事三曰言語四曰文學以四科

顧夢麟曰
誠如此求
賢何憂無
久

辨○之○思○過○半○矣○狀○則○朝○廷○清○要○之○位○覲○覲○者○衆○必○審○賢○以○與○之○賢○傑○
之○才○說○嫉○者○衆○必○先○時○以○辨○之○是○故○先○王○攷○求○賢○以○徇○選○用○且○千○
官○百○辟○豈○能○獨○選○必○委○之○於○輔○弼○矣○惟○清○要○之○職○雄○劇○之○任○不○可○輕○
授○於○人○僉○諧○之○外○更○加○親○選○聖○帝○明○王○常○精○意○於○求○賢○不○勞○慮○於○臨○
事○精○意○求○賢○則○日○聰○明○而○自○廣○勞○心○臨○事○則○日○叢○脞○而○自○困○宜○乎○屏○
煩○細○而○廣○詢○訪○其○深○於○正○道○有○憂○天○下○之○心○可○徇○輔○相○者○記○之○其○精○
於○經○術○通○聖○人○之○旨○可○徇○顧○問○者○記○之○其○敢○言○正○色○有○端○士○之○操○可○
徇○諫○諍○者○記○之○其○能○言○方○畧○有○炙○士○之○風○可○徇○將○帥○者○記○之○如○斯○之○
人○精○而○求○之○熟○而○觀○之○狀○後○寘○清○要○之○職○授○雄○劇○之○任○使○人○人○竭○力○

爭為腹心。於是乎得以操榮辱之柄。制英雄之命。廢務委於下。而柄
歸於上。始可以言無為矣。猶復置御史大夫。中丞。使播紳無敢慢者。
置諍臣七人。使言路無敢蔽者。置門下。封駁司。使制敕無得悞者。此
又推無為之中。而不廢其防。不失其權者矣。若留意逸豫。不孜孜於
求賢親選之時。無賢可用。則進退賞罰。復歸於下。雖有爵祿。不足為
上之恩。雖有誅罰。不足為上之威矣。

鍾惺曰。庸主不知御下之道。不失之獨委。則失之猜忌。此論分別
職權。最為精透。當錄一通。為帝座獻。

宋文公

卷二

集賢堂

范仲淹岳陽樓記

慶曆四年春。滕子京謫守巴陵郡。越明年。政通人和。百廢具興。乃重修岳陽樓。增其舊制。刻唐賢今人詩賦於其上。屬予作文以記之。予觀夫巴陵勝狀。在洞庭一湖。銜遠山。吞長江。浩浩湯湯。橫無際涯。朝暉夕陰。氣象萬千。此則岳陽樓之大觀也。前人之述。倘矣。狀則北通巫峽。南極瀟湘。遷客騷人。多會於此。覽物之情。得無異乎。若夫霪雨霏霏。連日不開。陰風怒號。濁浪排空。日星隱耀。山岳潛形。商旅不行。檣傾楫摧。薄暮冥冥。虎嘯猿啼。登斯樓也。則有去國懷鄉。憂讒畏說。滿目蕭然。感極而悲者矣。至若春和景明。波瀾不驚。上下天光。一碧

萬頃沙鷗翔集錦鱗游泳岸芷汀蘭郁郁青青而或長煙一空皓月
千里浮光耀金靜影沉璧漁歌于荅此樂何極登斯樓也則有心曠
神怡寵辱偕忘把酒臨風其喜洋洋者矣嗟夫子嘗求古仁人之心
或異二者之為何哉不以物喜不以己悲居廟堂之高則憂其民處
江湖之遠則憂其君是進亦憂退亦憂狀則何時而樂耶其必曰先
天下之憂而憂後天下之樂而樂乎噫微斯人吾誰與歸時六年九
月十五日

茅坤曰揆藻非六朝陋習談理無宋儒腐氣

鍾惺曰賢者之友賢者之性情學問也於此見之

范仲淹桐廬郡嚴先生祠堂記

先生○漢○光○武○之○故○人○也○相○尚○以○道○及○帝○握○赤○符○乘○六○龍○得○聖○人○之○時○
臣○妾○億○死○天○下○孰○加○焉○惟○先○生○以○節○高○之○既○而○動○星○象○歸○江○湖○得○聖○
人○之○清○泥○塗○軒○冕○天○下○孰○加○焉○惟○先○武○以○禮○下○之○在○蠱○之○上○九○衆○方○
有○為○而○獨○不○事○王○侯○高○尚○其○事○先○生○以○之○在○屯○之○初○九○陽○德○方○亨○而○
能○以○賁○下○賤○大○得○民○也○先○武○以○之○蓋○先○生○之○心○出○於○日○月○之○上○先○武○
之○器○包○乎○天○地○之○外○微○先○生○不○能○成○先○武○之○大○微○先○武○豈○能○遂○先○生○
之○高○哉○而○使○貪○夫○廉○懦○夫○立○是○有○大○功○於○名○教○也○其○來○守○是○邦○始○構○
堂○而○奠○焉○廼○復○其○為○後○者○四○家○以○奉○祀○事○又○茂○而○歌○曰○雲○山○蒼○蒼○江○

水○決○決○先○生○之○風○山○高○水○長○

鍾惺曰○持世之文○足與子陵共垂不朽○

范仲淹唐異詩序

皇宋處士唐異字子正人之秀也。之才之藝揭乎清名。西京故留臺李公建中時謂美畫為士大夫之所尚。而子正之筆寔尤右焉。江東林君復神於墨妙一見而嘆曰。唐公之筆老而彌壯。東宮故諭德崔公遵度時謂善琴為士大夫之所重。而子正之音嘗唱和焉。高平范仲淹師其絃歌。嘗貽之書曰。崔公既沒。琴不在絃乎。處士二妙之外。嗜於風雅。援幽索奇。不知其老之將至。一日以集相示。俾為序焉。嘻。詩之為意也。範圍乎一氣。出入乎萬物。卷舒變化。其辭甚大。故夫喜焉如春。悲焉如秋。徘徊如雲。崢嶸如山。高乎如日星。遠乎如神仙。森

譚元春

近之詩

大都如

如武庫。鏘如樂府。羽翰乎教化之根。獻酬乎仁義之醇。上以德於君。下以風於民。不狀何以動天地而感鬼神哉。而詩家者深厥情。非一失志之人。其絳苦得意之人。其絳逸樂天之人。其絳達觀閔之人。其絳。怒如孟東野之清苦。薛許昌之英逸。白樂天之明達。羅江東之憤。怒。此皆與時消息。不失其正者也。五代以還。斯文大剝。悲哀為主。風流不歸。皇朝龍興。頌聲來復。大雅君子。當抗心於三代。狀九州之廣。庠序未振。四始之興。講議益寡。其或不知。而作影響前輩。因人之尚。忘己之寔。吟詠性情。而不顧其分。風賦比興。而不觀其時。故有非窮途而悲。非亂世而怨。華車有寒苦之述。白社為驕奢之語。學步不至。

效顰則多。以至靡靡增華。惜惜相濫。仰不主乎規諫。俯不主乎勸誡。挹鄭衛之奏。責變曠之賞。游西北之流。望江海之宗。者有矣。觀乎處士之作也。子狀弗倫。洗狀無塵。意必以淳。語必以真。樂則歌之。憂則懷之。無虛美。無苟思。意求志多。優游之詠。天下有道。無憤惋之作。騷雅之際。此無愧焉。覽之者有以知詩道之艱。國風之正也。時天聖四年五月日序。

鍾惺曰。論詩處筆墨風流可喜。以此知賢者為父。未嘗不韻。

司馬光上謹習疏

月日具位臣光謹昧死上疏尊號皇帝陛下。臣以駑蹇之質。再為諫官。荷陛下寵祿之優。責任之重。夙夜震恐。不遑寧處。思極竭愚忠。以報塞萬一。顧瑣瑣細務。皆不足以煩瀆聖聽。竊以國家之治亂。本於禮而風俗之善惡。繫於習。赤子之啼。無有五方。其教一也。及其長。則言語不通。飲食不同。有至死莫能相為者。是無它焉。所習異也。至於古今亦然。有服古之衣冠。于今之世。則駭於州里矣。服今之衣冠。於古之世。則僂于有司矣。衣冠烏有是非哉。習與不習而已矣。夫民朝夕見之。其心安焉。以為天下之事。正應如此。一旦驅之使去。此而就

鍾惺曰
強魯弱直
亡國豈
不信狀

彼則無不憂疑而莫肯從矣。昔秦廢井田而民愁怨。王莽復井田而民亦愁怨。趙武靈王變華俗效胡服而群下不悅。後魏孝文帝變胡服效華俗而群下亦不悅。繇此觀之。世俗之情安於所習。駭所未見。固其常也。是故上行下效。謂之風。薰蒸漸漬。謂之化。淪胥委靡。謂之淶。衆心安定。謂之俗。及夫風化已止。淶俗已成。則雖有辨智。弗能諭也。疆毅不能制也。重賞不能勸也。嚴刑不能止也。自非聖人得位而臨之。積百年之功。莫之能變也。周易履之象曰。君子以辨上下。定民志。故天子之令。必行於諸侯。諸侯之令。必行於卿大夫士。卿大夫士之令。必行於庶人。使天下之勢。如身之使臂。臂之使指。莫不率從。詩

曰。勉。之。我。王。綱。紀。四。方。此。骸。之。本。也。昔。三。代。之。王。皆。習。民。以。禮。故。子
孫。數。百。年。享。天。之。祿。及。其。衰。也。雖。以。晉。楚。齊。秦。之。疆。不。敢。暴。蔑。王。室。
豈。其。力。不。足。哉。知。天。下。之。不。已。與。也。於。是。乎。翼。戴。王。命。以。威。懷。諸。侯。
而。諸。侯。莫。敢。不。從。所。以。狀。者。猶。有。先。王。之。遺。風。餘。俗。未。絕。於。民。故。也。
其。後。日。以。衰。薄。下。陵。上。替。晉。平。公。之。世。魯。子。服。回。如。晉。還。謂。季。孫。意。
如。曰。晉。之。公。室。將。遂。卑。矣。六。卿。疆。而。奢。傲。將。因。是。以。習。習。寔。為。常。能。
無。卑。乎。其。後。趙。魏。韓。氏。卒。不。晉。國。習。於。君。臣。之。分。不。明。故。也。降。及。漢。
氏。雖。不。能。若。三。代。之。盛。王。狀。猶。尊。君。卑。臣。敘。尚。名。節。以。行。義。取。士。以。
儒。術。化。民。是。以。王。莽。之。亂。民。思。劉。氏。而。卒。復。之。赤。眉。雖。群。盜。猶。立。宗。

室以從民望。王郎矯托名氏。而燕趙響應。董卓之亂。袁紹以誅卓為名。而州郡雲合。曹操挾獻帝以令諸侯。而天下莫能與之敵。操之心。豈不欲廢漢而自立哉。狀沒身不敢為者。畏天下之人疾之也。自魏晉以降。人主始貴通才。而賤守節。人臣始尚浮華。而薄儒術。以先王之禮為糟粕。而不行。以純固之士為鄙樸。而不用。於是風俗日壞。入於偷薄。叛君不以為恥。犯上不以為非。惟利是從。不顧名節。至於有唐之衰。麾下之士。有屠逐元帥者。朝廷不能討。因而撫之。拔於行伍。授以旄鉞。其始也。取偷安一時而已。及其久也。則衆庶習於聞見。以為事理當狀。不為非禮。不為無義。是以上者惴々焉畏其下。在下者

身坤曰此
受主之情

者睽睽焉伺其上。平居則酒肉金帛甘言屈膝以相媚悅。得間則銛鋒利刃狠心詭計以相屠膾。成者為賢敗者為愚。不復論尊卑之序是非之理。陵夷至於五代。天下蕩狀。莫知禮義為何物矣。是以世祚不永遠者十餘年。近者四五季。敗亡相属。生民塗炭。及大宋受命太祖太宗。知天下之猶生於無禮也。於是以神武聰明躬勤萬幾。征伐刑賞。斷於聖志。狀後人主之勢重而群臣懾服矣。於是翦削藩鎮。齊以汰廢。擇久吏為之佐。以奪其殺生之柄。擊其金穀之富。選其麾下精銳之士。聚諸京師。以備宿衛。制其腹心。落其爪牙。使不得陸梁。狀後天子諸侯之分。明而悖亂之原塞矣。於是節度使之權歸於州鎮。

員之權歸於縣。又分天下為十餘路。各置轉運使。以登州縣百吏之
臧否。復漢部刺史之職。使朝廷之令必行於轉運使。轉運使之令必
行於州。州之令必行於縣。縣之令必行於吏民。朕後上下之叙正而
紀綱立矣。於是申明軍法。使自押官以上。各有階級。以相臨統。小有
違犯罪。皆殊死。朕後行伍之政肅而士用命矣。此皆禮之大節也。故
能四征不庭。莫不率服。汎埽九州。以陟禹之迹。至於真宗。重之以明
德。繼二聖之志。夙夜孜孜。宣布善化。銷鑠惡俗。以至於今。治平百率。
頑民殄絕。衆心咸安。此乃曠世難成之業。陛下當戰戰慄慄。守而勿
失者也。臣竊見陛下有中宗之嚴恭。文王之小心。而小大之政多謙。

讓不決委之臣下誠使所委之人常得忠賢則可矣萬一有奸邪在焉豈不危甚矣哉古人所謂委任而責成功者擇人而授之職業叢勝之務不身親之也至於爵祿廢置殺生予奪不繇已出不可也洪範曰惟辟作威惟辟作福臣之有作威作福害於而家凶於而國威福之柄一失於人而習以為常則不可復救矣此明主之所慎也又頃以西鄙用兵權置經畧安撫使總一路之兵得以便宜從事及西事已平因而不廢其河東一路總二十二州軍鄉時節度使之權不能及矣唐始置沿邊八節度亦如是而已以其權任太重故後世有跋扈之臣洛誥曰毋若火始燄燄厥攸灼叙弗其絕言慎其微也又

將相大臣典諸州者。多以資倨自恃。轉運使欲振舉職業。往往故違戾而不肯從。夫將相大臣在朝廷之時。則轉運使名位固相遠矣。及在外為知州。則轉運使統諸州職也。烏得以一身之貴。庇一州之事。轉運使不得問哉。漢刺史以六百石吏督。二千石。豈以名位之貴賤哉。又自景祐以來。國家怠於久安。樂因循而矜省事。執事之臣。頗行姑息之政。於是胥吏謹誨而斥逐。御史中丞輦官悖慢而廢退。宰相衛士凶逆而獄不窮。奸濫加於舊。軍人罵三司使。而法官以為非犯階級。疑於用法。朝廷雖特誅其人而已。停之卒。復收養之。其餘有一失流言於道路。而為之變令推恩者多矣。凡此數者。殆非所以習。

民於上下之分也。夫朝廷者，四方之表儀也。朝廷之政如是，則四方必有甚者矣。於是元帥畏偏裨，偏裨畏將較，將較畏士卒，姦邪恇懦之臣，至有簡省教閱，使之驕惰，保庇羸老，使之繁冗，屈撓正法，使之縱恣，詆訾粟帛，使之憤惋，甘言諂笑，靡所不至。於是士卒翕然譽之，而歸怨於上矣。波既為之，則此效之下，既言之，則上從之，前既行之，則後襲之。苟波為而此不效，下言而上不從，前行而後不襲，則怨怒聚於其身，而禍亂生矣。長此不已，日滋月益，民之耳目習而安之，此有以異唐之季世乎？後魏孝明帝時，征西將軍張彞子仲瑀上封事，欲抑損武人，不預清品，羽林虎賁千餘人，焚彞第，殺彞父子，官為收。

捕凶強者八人斬之其餘大赦以安之懷朔鎮人高歡時奉使至洛陽見之歸而散家財以結客曰朝政如此事可知矣於是始有飛揚之志錄是觀之紀綱不立則奸雄生心矣夫祖宗苦身焦思以變秦唐之俗而陛下高拱熟視以成後魏之風此臣之所為陛下痛惜也臣愚以為陛下當奮劉健之志宣神明之德凡群臣奏事皆登其邪正辨其臧否熟問深思求合於道狀後賞罰黜陟斷而行之則天下孰不曠然詩曰君子如怒亂庶遄沮君子如祉亂庶遄已蓋言無所臧否之為患大也經見出撫使有征討之事則置之無事則當廢之倘未能廢則軍事迫急不暇奏知者使專之可也其餘民事皆

委之州縣。一斷於法。或法重情輕。情重法輕。可殺可徒。可宥可赦。竝聽本州申奏。決之朝廷。何必出於經略安撫使哉。轉運使規畫號令。行下諸州。而諸州違戾不從者。朝廷當辨其曲直。若事正寔可施行。而州將恃貴勢。故違之者。當罪州將。勿罪轉運使。將較士卒之於州縣。及所統之官。或公卿大臣。有悖慢無禮者。明著階級之法。使斷者不疑。將帥之官。有廢法違道。以取悅於下。歸怨於上者。當隨其輕重。誅竄廢黜。公正無私。御衆嚴整者。當量其才能。擢用褒賞。如是則上之人難動。而下用命矣。上之人難動。而下用命。此所以尊朝廷也。上下已明。綱紀已定。朕後修儒術。隆教化。進歆篤。退浮華。使禮義興行。

風俗純美。則國家保萬世無疆之休。猶倚南山而坐平原也。臣光昧
死。再拜上疏。

鍾惺曰。謹習古人多言之狀。無此之愷切著明也。而諄諄將士之
驕。尤其憂時苦心。

鍾惺曰不
肖邊臣後
乘如此

司馬光論北邊事宜

臣聞明主謀事於始而應患於微。是以用力不勞而收功甚大。竊見
國家所以御戎狄之道。似未盡其宜。當其安靖附順之時。則好與之
計。校末節。爭競細故。及其桀傲暴橫之後。則又從而姑息。不能誅之。
是使戎狄益有輕中國之心。皆厭於柔服。而樂為背叛。近者西戎之
過。生於高。宜北狄之隙。起於趙。滋而朝廷至今。終未有省寤。尤以二
人所為為是。而以循理守分者為非。是以邊鄙武臣皆銳意生事。或
以開展荒棄之地。十數里為功。勞或以殺畧老弱之虜。三五人為勇。
敢朝廷輒稱其才能。言加擢用。既而虜必忿恨。遂來報復。屠剪熟戶。

鈔契邊良所失者動以千計而朝廷但知驚駭增兵聚糧其致寇
之人既不追究而守邊之臣亦無貴責如此而望戎狄賓服之場無
虞是猶添薪扇火而求湯之不沸也臣愚竊惟真宗皇帝親與契丹
約為兄弟仁宗皇帝赦趙元昊背叛之罪冊為國主歲捐百萬之財
分遺二虜豈樂此而為之哉誠以屈己之愧小愛民之仁大故也今
陛下嗣已成之業守既安之基而執事之臣數以爭桑之小忿不思
灌辰之大計使邊鄙之患絲絲不息臣切為陛下惜之近者聞契丹
之民有於界河捕魚及於白溝之南剪伐柳栽者此乃邊鄙小事何
足介意而朝廷以前知雄州李中祐不能禁禦為不材別選州將以

代之臣恐新將之至必以中祐為戒而以殍滋為法。妄殺虜民則戰鬪之端注來無窮矣。况今民力彫敝倉庫虛竭將帥乏人士卒不練。夏國既有憤怒屢來侵寇禍胎已成。若又加以契丹失歡臣恐國力未易支也。伏望陛下嚴戒北邊將吏若契丹不循常例小小相侵如魚船柳栽之類止可以文牒整會道理曉諭使其官司自行禁約不可輕以矢刃相加。若再三曉諭不聽則聞於朝廷雖專遣使臣至其王庭與之辨論曲直亦無傷也。若又不聽則莫若博求賢才增修德政俟公私富足士馬精強然後奉辭以討之。可以驅穹廬於幕北復漢唐之土宇與其爭魚柳之勝負不亦遠哉。

茅坤曰宋中外臣子不識大計乃爾宜其微弱而受夷狄之患也○



